

18

I. N. S. S. T. D. P. F. E. S. S.
DISPUTATIO POLITICA.

De
PRÆPARAMEN-
TIS BONI POLITICI

QUAM

*Approbante Amplissimâ Facultate Phi-
losophica in Regia Academiâ Abvensi.*

SUB PRÆSIDIO

VIRI PRÆCLARISSIMI,

DN. ERICI FALANDRI,
Græc. & Heb Ling. Professi publ.
& ordin. Promotoris & Fautoris
sui Pl. honorandi,

*Pro Gradu Magisterij ejusq; privilegijs
consequendis proponit*

HENRICUS SACKLINIUS

Bothn. S. R. M. Alumnus

*In Audit. super. E Maximo
Die 22. Maij Anno M. DC. LXXII.
horis consuetis*

A B O Æ,

Excusa à PETRO HANSONIO.

VIRIS

Consultissimis, Reverendis, Venerabilibus ac Præstantissimis

Dn. ANDREÆ A. SALAMONTANO Regij Dicasterij, in magnō Ducatu Finlandiæ, Assessori gravissimo.

Dn. ANDREÆ. G. LYTRÆO Consuli Uloensium dignissimo.

Dn. HENRICO LITHOVIO, Pastori Uloensium meritissimo.

Dn. JOHANNI C. FORBUS, Pastori in Brahestadh dexterissimo.

Dn. ZACHARIÆ ULHEGIO, V. D. Ministro Uloensiū attentissimo.

Dn. ANDREÆ J. PALMANNO, V. D. Ministro in Pudasjärvivi pervigili.

Dn. JACOBO Uhlström/ V. D. Ministro in Tjå solertissimo.

Illi ut Promotori & quondam nutritio,
bis ut Fautoribus & benefactoribus,
istis vero ut commilitonibus olim &
fratribus Disputationem hanc Grad.
ingrati animi tesseram & contestan-
dæ amicitia signū dicat dedicatq;

HENRICUS S. SACKLINIUS
Bohn, S. R. M., Alumnus.

PRÆFATIUNCULA



Um ab educatione
juventutis totius huma-
næ vitæ ac Reipubl. be-
nè instituendæ mo-
menta pendere videan-
tur, ut sapienter est à Platone ex Lycur-
gi sententiâ dictum. Maxima ejus ha-
benda erit ratio. Siquidem per bo-
nām juventutis institutionēm vitiorū
connatorū fibræ evelluntur ac vir-
tutum semina substituuntur, & qui alio-
quin Reipubl. turbatores existerent,
bonæ educationis beneficio ejus cura-
tores sūnt. De hac itaq; juxta tenō-
rem constitutionū Academicarū &
mandatum Amplissimæ Facultatis Phi-
losophicæ cum cæteris ad boni Politici
præparationem pertinentib; circum-
stantijs & requisitis, brevitate, quā si-
ri potest, in præsentia agere constitui:
Adcuratè autem exprimere præpara-
menta seu rudimenta futuri Politici
modumq; ita vitam instituendi, ut re-
bus gerendis aptus, præstaudisq; ijs,

quæ svaldet ratio & exigit ejus conditio, altioris fortassis erit indaginis, quam ut brevibus lineis absolvi queat. Pro instituti tamen ratione paucis præcipua complectar atq; ad sequentia septem capita redigam. Sit ergo

THES. I.

Occurrit itaq; primo notandum, virum olim in Repub. versaturum, ad capacitatem magnorum munerum operumq; institui aptariq; ipsa natura, in qua singularis proclivitas propensioq; in id, quod egregium est, laudabile atq; honestum, reperitur. Hinc, cum sua quæq; sequantur semina, maxima erit danda opera, ut parentes taliem ad lectum, afferant animum cogitationemq;, quæ in liberis postea pudori, Reipubl. verò detrimento, non sit futura. Nihil autem proderit egregiam accepisse indolem, nisi operam dare voluerit futurus Politicus, ut bonam naturam incorruptam retineat, excolat, conservet nullisq; illecebris aut delinimentiis se capi permittat. Non enim inveniuntur pauci, qui licet eximia ingenij indole, magnam de-

de se spem concitarunt, quorum tam
men famam fortunasq; familiaris im-
proborum usus & consuetudo vixit
in pestilentem vitij scopulum adegit.

THESES. II.

Posita natura optima tanquam sta-
bili & immoto fundamento, ad insti-
tutionem transitum facimus. Cujus
tanta est vis & efficacia, ut non tan-
tum optimam juvet naturam; verum
etiam multos in perversam natos in-
dolem, ad virtutis studia cum ætatis
maturitate deflexerit. Cic. de fato.
Val. lib. 6. c. 9. Itaq; licet anima be-
nè morata à se ipsa magis adjuvetur,
quam à Magistris, & ab ijs, quibus re-
ctæ educationis commissa est cura; ta-
men multum in institutione commo-
da positum est momenti, ut splendidi-
ora possit producere facinora. Na-
turam enim promovet eamq; ijs im-
buit rebus, quas, si sibi foret relicta,
non posset præstare. Institutio autem
duobus juxta Arist. absolvitur capiti-
bus, primò, ut *educandus arceatur à male*
moratorum & peccantium illecebris. hoc
est: ut materno lacte, quod tutissimum!

alatur, aut, si quo casu hoc præberit
nequeat, nutrices nullo vitio manife-
sto inquinatæ, animo corporeq; præ-
stantes, puri nitidiq; sermonis & absti-
miæ adhibeantur. Patric. lib. 2. Tit. 5.
& 6. ut detur opera, ne improbi suis
blanditijs eum decipient, naturæ bo-
nitatem corruptant, & loco deside-
rii honestorum, vitiorum instillent a-
morem, cura operaq; hic requiritur
proborum fidorumq; hominum. Se-
cundò, ut per omnem honestarum arti-
um cultum pueritiam adolescentiamq;
trans-
figat, unde liquidò jam patet, non
sufficere, ut ab illecebris pravis haud
capiatur, sed insuper requiri, ut se-
dulò in virtutis studio se exerceat,
idoneum aptumq; ad eas, ad quas de-
stinatur, res peragendas, præparet.
Proinde conlvetudinem vitæ victusq;
habebit, non eorum, quos vel nimia
cum severitate impedit morositas,
vel quos nimia subtilitas & ingenij a-
cumen vulgaria contemnens ad iniuti-
les abripit speculationes; verum ijs se-
se associabit hominibus, qui per ido-
neam educationem rerum olim benè
geren-

gerendarum obstacula in indole ejus
occurrentia mature submoveant, al-
lumnumq; sicut ad honestarum artium
cultum; ita exercitium reddant habi-
lem idoneumq;. Itaque constituendi
erunt boni aptiq; educandæ juventutis
viri, qui in aliquid gravius leviusve
vitium inclinantem aluminum surculi
aut mollis ceræ ad instar flectant in
contrarium, sic enim attinget omni-
bus in rebus quod tantoperè desiderat
laudabiturq; medium.

THESIS III.

Ne vero hic ingens suboriatur insti-
tuentium pariter ac instituendorum
labor ac cum difficultate molestia, ido-
neum observandum est educationis
tempus. Non enim opprimenda sunt
intempestivâ sapientiæ messe ingenia
nondum præparata, neq; ante tempus
ad studiorum maturitatem vocanda
puerilis ætas. Varietatem namq; lite-
rarij ingenij novimus summam, alia
etenim maturius prompta facilitate
quicquid ad annos venit percipiunt.
alia matrescentibus tandem annis ad-
vocato ad meditandum animo velocio-

ra feliciora; existunt. Prudentia ergo parentum, amicorum aut Præceptorum tali in casu tempus definiat & præcibat. Commodissimum autem communiter statuimus cum gravissimis auctoribus ætatem primam septimum excipientem annum, quæ ad quævis, pro majori vel minori maturitate, accipienda retinendaq; præcepta est aptissima. Primò namq; omnium est ad formationem magis facilis animus tener propter insignem, quæ gaudet, flexibilitatem, ideoq; minori cum difficultate ei possunt instillari virtutes & eripi vicia connata. Deinde, vigeant maxime à natura concessa bonditas malorum consortio nondum corrupta. Adde quod hæc ætas tenella, quæ capit, totis capit animis, tantumq; præstat hæc simplicitas, ut sibi persuasum habeat, salutare ac utile esse quicquid illi proponatur, absq; omni ambiguitate flectit se ad honesta laudabiliaq;: cum autem turpia loquendo facile efficiatur, ut homines hisce proxima faciant. Arist. lib. 7. Polit. ideoq; cavendum ne indecorum vitiosumq; aliquid præsente

sente puer & futuro Politico aut dī-
catur aut fiat, cum etiam illi, quorum
indoles est optima infirmitate vitioq;
quodam humanitatis, adversus prava
minus sint constantes, maxime si cum
jucunditate proponantur, autoresq;
habeant spectatos, quales fēmē sunt,
qui huic ætati nocent, facilimēq; sua
imprimunt vitia. Quod, ut ne fiat,
ij, quibus educandæ juventutis incum-
bit cura, sedulo cavebunt. Requiri-
tur præterea ut in tenellâ hac ætate
habeat futurus Politicus ministros, so-
cios, collusores & conterraneos vitâ
moribusq; integros, ut ne in ludicris
quidem aut joco nil nisi honestati con-
veniens hauriat. Perpetuō habebit
circa se in quorum conspectu ager
quicquid ager, nunquam erit cum pa-
ribus solus, ne solitudine abuti & spe
impunitatis malè agere discat, Svet. in
Aug. quanta vero inscitia sit eorum,
qui nihil pensi in totâ domo habent,
quid quisquam coram infante aut di-
cat aut faciat, non potest satis culpari.
Neq; tamen hoc volumus quasi infan-
tia & pueritia, & non adolescentia &

juventus ad virtutem sit educanda re-
ctorem moderatoremq; respuat. Cum
in aliâ ætate non magis certiores virtu-
tum ac vitiorum adolescent radices,
quam in isto ætatis lubrico, ubi incon-
sulta & improvida temeritas ex bivijs
studiorum faucibus facile in partem al-
teram abripitur, seq; aut rectis manci-
pat artibus aut per ignaviam socordi-
amq; deperdit. Plura hujus ætatis vi-
tia cognoscere qui velit, adeat Scalig. in
Poët. lib. 3. cap. 15.

THEISIS IV.

Neq; inutiliter me operam locatu-
rum arbitror, si ea, quæ nullius mo-
menti imperitis videntur, tractanda su-
sceptero de loco, in quo administratu-
rus olim Rempub. educandus videatur.
Sciendum proinde est, quorundam lo-
corum eam esse naturam, ut alere cum
fructu bonarum literarum cultores ne-
queant. Nam præterquam quod plus-
rimis sub sole regionibus ingeneravit natura
deteriorem spiritum, qui nascenti in lucem
homini certum cum genitali aurâ vitium
affundit. Ed. Neuh. legat itidem qui
volet Plinium & Senecam, quæ de cam-
panis

panis Bajanisq; referunt. Etiam si
locus nullis non inquinatus sit vitio-
rum generibus, popinis lupanaribusq;
plus quam scholis & templis abundet
obstacula afferet maxima, quo minus
exvoto educari queat parvulus. Vig-
bunt autem in loco studijs accommodato
*Comitas ac Parsimonia bene tempera-
ta.* Tacit. in vit. Agric. illa namq;;, ne
rusticitate Barbarâ Urbanave laiciviâ ac
socordiâ corruptatur animus, efficit:
hæc, ne luxuriâ ac prodigalitate difflu-
at, præstat, illa convenientem vitam,
victum, mores, habitum gestum ac ser-
monem præscribit, hæc luxum prodi-
galitatemq; reprimit, quod vitium mi-
re juvenili ad blanditur animo, maleu-
lam opprimit indolem nulliq; idoneum
officio reddit. Evenit autem hoc ple-
rumq; in magnis & omni genere ho-
minum refertis urbibus, quæ nobis val-
de debent esse suspectæ, nec nisi bene
exploratæ, destinandæ ad futuri Politi-
ci educationem, qui in artibus honestis
nondum confirmavit animum. Ita ma-
ter Agricolam referente Tacito Massi-
liam ablegavit, ita Cicero Filium Athe-

nis à Cratippo instituendum curavi. De Pompon. Attico, qui postea tempore civilium bellorum absolutissimæ prudentiæ extitit Exemplum, res clara est, quod Athenis utiliter educatus fuerit. Cum ergo res tanti sit momenti, nostra verò prudentia non valeat aptè discernere accommodatissimum studijs locum, consulendi sunt præstantiores, usu rerum edocti, nobis amici vel certè non inimici, rationem non affectum in consilium adhibentes. Qui autem aut negligunt isthac facere, aut pado- ri hoc sibi existimant, dum domestica parumq; solida nituntur prudentia plerumq; falluntur..

THESES. V.

Quemvis quosdam impetus à naturâ su-
mat sapientia, tamén perficienda est doctri-
nâ. Quintil. inst. orat. lib. 12. Hæc
sunt enim consuetudine virorum doctorum
lectioneque editorum ab ipsis librorum
comparatur, ut futurus Politicus ad de-
sideratam perfectamq; civilis pruden-
tiæ metam ac scientiam pervenire pos-
sit. Philippus Macedo sordidum ante
se Macedonum nomen ad spem impe-
rii

rij totiusq; orbis terrarum erexit, & si causam tantæ virtutis, unde manarit, requirimus, inveniemus eruditionem ex Epaminondæ strenuissimi Thebanorum ducis pariter ac doctissimi viri convictu solida ei fundamenta gloriæ ac laudis jecisse. Alex. non minorem ex Aristotelis & Leonidæ cœlvetudinè, & lectione Homeri reportavit honorem: Augustus Mecœnatem & Virgilium habuit conjunctissimos. Cum autem, vigere inter eos non queat societas ac amicitia, non iniri contractus sociariq; foedera, quorum alterutri negotium est communicare sui animi sentia, ideoq; qui Reipub. partes nititur gerere, non in patrij sermonis peritia terminum ponet; sed plurimarum gentium certè finitimarum linguarum notitia instruatur necessum est, Neq; absq; gravissimâ eausâ cultiores gentes, ut exoticas excoolerent linguas suæ præceperrunt juventuti. Dion. Halic. lib. 4. de Romanis. Aurea bulla de Germanis. Sic Cicero monet Filium ut cum Græcis Latines conjugat. Illæ ergo addiscendæ sunt linguae, ex quibus aliquando

Re spub.

Respubl. ac ipse Politicus utilitatem
queat habere. Præterea cum linguis ex-
oticis multa præcepta Politica, multæ
artes, multa imperandi arcana sint tra-
dita, quæ & majorem in Civilibus pru-
dentiam futuro Politico subministrare
possunt, & cognitis aliorum imperio-
rum rationibus, si quandoq; suæ Patriæ
cum ipsis intercedat negotium, eò fa-
cilius expeditiusq; opem illi ferre queat;
ut ad optatum omnia dirigat finem.
Quod nisi peritus earum fuerit lingua-
rum, difficilius longè præstabit. Neq;
laborem detrectabit donec summum in
eis culmen attingat, proletaria namq;
atq; superficiaria in eis notitia sufficienti
Politico vix sufficiet. Tractandus namq;
est Illi populus insolens, delicatus,
contumax, qui verbis ac oratione in
officio continetur. Alias vide ratio-
nes apud Junium in Tra&. Polit. de
Magistr. Eloquentiam vero non pa-
rum juvat prudens ac moderata lectio
Poetarum. Nam singuli propemo-
dum Poetæ, si cum delectu legantur
propriis quasdam habent virtutes & mi-
rificam quandam gratiam. Ut rem ver-
bo

vo concludam affectus à Poetis perfec-
tus mutuabitur Politicus. Obicōenos
vero, qui bonos corruptunt mores,
planè negligat. Artis pictoriæ non mo-
do utilem notitiam, sed quodammodo
necessariam illi esse arguit, quod acuat
judicium, accuratores solertioresq;
reddat rerum speculatores & examina-
tores. In negotijs rebusq; bellicis ma-
ximum adfert subsidium. Tempora
pacis inventione variarum rerum ad
legantiam & vitæ jucunditatem solet
ornare. Cum vero non semper civilia
pacisq; negotia Politico tractanda sunt;
sed etiam bellica (ut de decore nihil
dicam) non potest artem Equestrem
negligere, hinc Romani non minimum
operæ temporisq; in eâ addiscenda lo-
carunt. Et nota est Horatij querela de
suo seculo 3. Car. od. 24. quod non
equum tractare, aut venari, sed Græ-
co trocho & tesseris ludere cives dilcant.
Neq; perfecti consummati q; Politici
Historiæ Geographiæq; imperitus me-
rebitur titulum. Nam ex *historia* disce-
tanquam in speculo ornare & componere vi-
tam suam ad vitam aliorum. Lips. in Not.

ad. cap. 9. Polit. *Hæc testis est temporum,
vita magistra, memoriæ vita & verita-
tis nuncia* Cic. 2. lib. de Orat. *Suppe-
ditat virtutum Exempla, imitationes Clas-
sissimarum Actionum.* Patric. lib. 2. Tit.
10. Historiam autem hic non intelli-
gimus quamcunq;, sed veritate, ex-
planatione & judicio insignitam. Geo-
graphia addiscenda est vel propter i-
psam historiam, cuius quasi lumen est.
Ad hæc suppeditat notitiam terrarum,
partiumq; omnium, absq; quâ nemo
cum fructu ac utilitate in Repub. ver-
sari potest. Lips. in Not. ad lib. 1. Po-
lit. cap. 10. Insuper prodest in susci-
piendis expeditionibus & arcendis ho-
stibus. Hujus præsidio non raro fœ-
dera, commercia & id genus alia cum
dissimiliis gentibus instituuntur. A-
rithmeticam futuro Politico non mo-
do utilem, sed etiam pernecessariam
arbitramur, idq; ob supputandas ra-
tiones. Tum etiam indecorum esse
videtur, Politicum in hisce rebus no-
tis ac parvis hærere, aut incerto digi-
torum gestu à computatione dissen-
tire, & in maximo negotio parvâ in
re

re aberrare. Cognitionem Geome-
triæ Politicus nisi habuerit, sciat se plu-
timum ab absoluti Politici perfeclio-
ne abesse. Hæc enim prævia ac minis-
tra est omnium artium, opera manu-
facta juvat, in bello præcipuorum in-
strumentorum inventrix ac fida militis
socia extitit. Musica, cum ærebus se-
rijs & à negotijs gravioribus otium fue-
rit, non est abhorrenda, non tamet
hujus tanta est necessitas, ut ea Politici-
cus carere non possit. Ex Astronomiâ
quædam novisse Politicō sufficerit, i-
tem ex reliquis disciplinis Mathematicis
quocunq; tandem veniant nomine.
Vitam natuq; brevem artem vero lon-
gam esse omnibus omnino constat.
Neq; in totum negligat Politicus Phy-
sices & Metaph. item Pneumaticæ con-
templationem, nisi omnino sui cæte-
rarumq; rerum cognitione utilissima
destitutus sæpissimè cum ignoratione &
difficultatibus potius luctari, quam ex-
pedite progredi maluerit. Ex dispe-
rendi arte multum, si didicerit Politici-
cus, referet emolumenti. Pernicitas
pedum, nandi insuū, sagittandi, ve-
non hab. in sollicitudinib. g. Eborac. vel absorta urbani-
tate p. l. ad eundem posterum, quod h. nem. atque expon.

nandi & aucupandi peritiam Politico multum prodesse, (imò agriculturæ rationem tenuisse erit utilissimum) nemo est, qui facile inficiabitur. Philosophiaæ Practicæ studium futuro Politico tam est necessarium, ut exactissimam ejus reneatur habere notitiam, eamq; ignorare est quasi non esse Politicum. His iure meritoq; accedere debet juris studium, perceptioq; legum. Quis enim dubitat eum, quem, quid lex naturæ, quid gentium esse voluerit Sanctum, latet, multa acturum contraria & in præjudicium futura. Comparanda etiam erit juris justitiæq; scientia à politico, si justitiam rectè administrare voluerit. Discat politicus ex sacris literis rectam de Deo habere sensum cognitumq; vero ac debito profecti qui cultu, imò omnia illa exillis hauriet, quæ ad æternam illam civitatem omnibus affluentem bonis adipiscendam conducunt. *Omnis namq; sapientia hominis in hoc uno versatur, ut Deum agnoscamus & colamus.* Lact. lib. 3. instit. Ex historiâ Ecclesiasticâ nonnulla observabit, quæ ad veræ Religionis incre-

erementum pertineant, quæq; ad ejus decrementum machinari soliti sint Ecclesiarum turbatores. Quod si tum à Constantino Mngno tum à politicis ejus temporis factum fuisset, longè profecto tranquillior futurus fuisset Ecclesiæ status, neq; tam faciles Ario præbuissent aures, neq; discordia tot Episcopos in mutuam armasset perniciē.

THES. VI.

Quæ multa sunt politico discenda atq; cognoscenda, non tamen justo latius extendat operam. Ex disciplinis ergo omnibus ea tantum sunt futuro politico haurienda, quæ accommodata sunt usibus Reipubl. quæ voluptati aut inani serviant speculationi, planè prætereat. Talia multa occurruunt in omnibus philosophiæ partibus, & quod fortassis alicui mirum videbitur in philos. practicâ. Quâ quidem caruisse pñm est politicum non esse. At quot in eâ inutiles quæstiones? Quædam igitur ex totâ philosophiâ pñmitus toto animo hauriet, quædam sufficiet legisse, partem maximam ne leget quidem. Neq; enim qui multa,

sed

sed qui multum legit Politicus evadet
Doctus. Discet quid sit revera, quod
in suis actionibus, consilijs ac coeptis
velut terminum & scopum observare
debet. Quantum exigit recta ratio,
Quo usq; id, quod utile videtur, obser-
vari debeat. Quæ sit cum in commu-
ni civitatum omnium, tum præsertim
suæ, ratio, quibus causis, quibus arti-
bus creverit, quibus causis vitijsq; de-
creverit, quibus factum sit auctoribus,
vel ministris, quæ hominum ingenia,
quas spes, quas de se faciunt metus.
Plura videantur apud Eorū in Ta-
cit. i. v. Annal. Consensum magnorum
Politiorum si requirimus, habemus
Arist. in 8. Polit. ut enim ex liberalibus
disciplinis aliqua tenere honestum est, sic pe-
nitius se illis tradere atq; ad extrellum perse-
qui velle valde noxitum est. Non Schola
sed vita discet Sen. Epist. 106. Animus
contemplationi scientiarum magnope-
re intentus, in rebus agendis tardior
esse solet, atq; in decernendo timidior.
Non enim paranda nobis solum, sed fruenda
sapientia est Cic. de Fin. Retinendus,
quod est difficilimum, ex sapientia modus.
Facit. in vit. Agric.

THESES VII.

Magni referre ait Patric. quos quinque quo
tidie audiat lib. 2. Tit. 7. in his autem
principuas sibi vendicat partes Præce-
ptor, qui futuro Politico doctrina mo-
ribusq; probatus, seu uti Vossius loqui-
tur, qui e luto posuit pedes, præficiendus
est, qui pietatem probitatemq; amat,
paterno in alumnū animo propendet,
ætatis mediæ, prudentiæ vero maximæ,
quo variantis naturæ indolem in pueris
disciplinæq; constituenda perspectam
rationem habere possit, ne imbecillem
animum adducto vehementius vinculo
frangat, ne remissa languidius manu
licentiaæ audaciam permittat, ne indo-
mitam ferociam strictiore frœno irritet,
aut asinoram tarditatem indulgentia nu-
triat, ut suâ sponte cum rectè facere
asvefaciat potius quam alieno metu, sen-
sim cum annis crescentibus vincula la-
xet, ne postea subitæ libertatis dulcedi-
ne impotens sui animus insolescat, aut
ad primum cognitæ libertatis sensum
ab omni legum & honestatis obsequio
discedat. Poterant hæc quidem, candi-
de lector, accuratiore methodo tradi-

& per descentum ad singula diffusius
explicari. Verum commendata nobis
brevitas & instituti ratio, & certa de te
mibi persuasa bonitas diversum suade-
bant, haec itaq; æqui boniq; consulas
te maximopere oratum habeo. Fa-
xit Deus summus ille Rerum publica-
rum Pater, ut bona fata quavis ætate
Patriæ nostræ complures incorruptæ
virtutis cives producant.

Soli Deo Gloria.

VIRO JUVENI
Exquisitâ rerum sacrarum & civilium co-
gnitione Politissimo, ipfisq; ordinibus
saceris venerabili,

Dn. HENRICO SACKLINIO
Botniensi, pro laureâ Philosophicâ insi-
gne hoc specimen edenti in publicum, a-
mico honorando, gratulabar me-
ritissimos honores:

ARs est longa; brevis sed vita: ut dixerat o-
Excellens medicâ Cous in arte senex. (lim
Sed qui Philosophos veteresq; novosq; Poëtas,
Ac oratores, historicosq; legit:
ille mihi merito longam testabitur artem
Atq; brevis vita tempora curta sonet.

Hac

Hec igitur multis quis deminabitur annos
SACKLINIUM Upsaliæ detinuisse meum?
Qui simul Abodiceis Musis inclaruit, atq;
Censetur lauru dignus Apollineæ.
Gmtulor utrig; studiorum matri, & alumno
Gratulor eximio, præmia magna dari.
Inq; Dei laudem, patriæ nostræ, urbis honore
Comprecor utcedant, permaneantq; diu!
licet extemporali carmine
L. tamen Mq;

MARTINUS MILTOPÆUS,
A. h. t. R.

Mirabar equidem saper numero, Reverende & Præ
stantissime Dn. CANDIDATE, cum quosdam
contractis domi rebus animum contrahere ac des
mittere, nec audere adversus fortunæ incommoda al
furgere, non erigere se sub acerbo indigentia pressu
animadverterem, Te v. ad perförendi laboris industris
am, ad agendi cogitandiq; solertiam omni rerum
indigentia concitari videtem. Tandein tamen, post
quam mihi Tecum major familiaritas, ritæ victusq;
intercessit consuetudo, intellexi in solidum hoc à
Christianæ paupertatis patientia provenire, quæ, quasi
ludus & officina pulcherrimarum virtutum, ad quas
pij homines per compendium exercentur, semper
exitit. Juvit etiam Te Félix Tuum ingenium tam
ad constantiam firmum, quam ad captum acutum.
Pietas certè probitasq; Matris unici Filij tenellæ es
tati optimam formam induxit, quam nulla posteri
temporis zetas obliterabit aut expungeret. Non pas

rum profectibus Tuis inclyta Ubsalia & Abos mo-
menti attulit. Industria & indefessi labores in ad-
discendis pervolvendisq; omnis generis artibus ad
pulcherrima quzq; enitentes, præclarum præbent
subsidium. Frugifera prudensq; selectio in legendo
meditandoq; haud quaquam postremum sibi in hoc
negotio vendicat locum. Præceptores tam publici
quam privati solertissimi non per ambages sed rectâ
euntis viâ iter fecere brevius expeditiusq;. Quæ
Tibi ipsi cæterisq; ipso usu ac experimento profuisse
intelligis, ea nunc, licet sub alterius conditionis
persona in publicam lucem solenni ac inaug. Disput.
profers. Gratulor ergo Tibi hanc mentem & Pas-
trix nostræ charissimæ de Te futurum emolumentum.
Deumq; precor, ut velit Te nobis diu incolumen
servare, quo fructum ex Te Christi oves & Patria
præsertim juventus habere possit diuturnum. Matri
annis & ætate confectæ solatio præsidioq;, amicis
autem & Tai amantissimis delectationi & gudio fla-
reis vigens diu persistere Te faxit Deus qui omnia
regit.

*Ita Domino convictori suo merito
gratulatur.*

G A B R I E L L A U RÆU S.
Confst. Eccl. Not.

